

Anima τῆ μακαρίτη, cum fratre beatissimo, jam vivit ἐν Ὀλογία.
Corpus autem exanime hodierno die, horâ I. usitatis funerum
ceremoniis ad sepulturam efferetur: Quo tempore, ut illi, qui
Academicam agnoscunt jurisdictionem, frequentes conveniant in
area vicina Templi Nicolaitani, & funeris hujus exequias decenti
comitatu prosequantur, officii ratione hortamur universos & sin-
gulos. Erit hoc studium & officium nostrum, & dignum ordi-
ne Academico, & absque omni dubio mœstissimis Parentibus &
toti familiæ honoratissimæ gratissimum. P. P. die XII. M. De-
cembris, Anno CHRISTI M. DC. XXIV.

THRENODIÆ FRATRUM.

HEi mœsti tristesq; dies utriq; Parenti
 Qui subito natos eripere duos!
Ehei triste mihi mœstumq; & flebile tempus,
 Quo binos fratres mors inopina tulit!
Germanos animo pariterq; & corpore fratres,
 Sanguine non solum, sed quoq; mente meos.
Tu mihi præcipue, teneris qui mortuus annis,
 Frater de Christi nomine dicte, doles:
Qui mihi deliciam suave, & recreatio mira
 Semper eras, nati frater amate loco.
Sed quid tristitiam, quid tristia verba, querelas,
 Et quid mœrorem volvere mente juvat?
Non reduces fient, qui cœlica gaudia curant,
 Nolunt terrena conditione frui.

Ergo